



محمد الحسینی قدس سر



شعر



ونس

ديوان شعر

محمد الحسینی

لوحة الغلاف للفنان : محمد الطلاوی

الطبعة العربية الأولى : :يناير ١٩٩٩

رقم الإيداع : ١٠٣٥٢ / ٩٨

الترقيم الدولي " 6-111-291-977-I.S.B.N



السلسلة الأدبية

رئيس المركز
على عبد الحميد

مدير المركز
محمود عبد الحميد

المشرف العام
على السلسلة الأدبية
خيرى عبد الجواد

الجمع والصف الإلكتروني
مركز الحضارة العربية
تنفيذ : شريف على

ش.س. العلمين عمارات الأوقاف
ميدان الكيت كات
تليفاكس : ٣٤٤٨٣٦٨

محمد الحسيني

فن

٥٠



الاهراء

للراجل الطيب

الوسيم الشهم

للراجل الشامخ العزم

للراجل الصبي

في زي كهل

للراجل الأهل

لأبويه ، اللي خلفني

لا عرف يربيني

ولا عرف يروضني

فقرر أنه ينتقم مني

ومات قبلي

طوطشات

✱

أنا عامل ديدبانُ
مع إني ساكن محلّي
خطّيت بعيني الزمانُ
فوقعت من نصّ طلّي

القاهرة: 15 / 10 / 1993



قعدة

رومانتيكى

على شط مهجور

بين واحد ،

من قَرْن وَلَّى

ووحدة

من قَرْن جَاى

إيه اللى يعملُه الزمن ده ؟

إيه ؟

يخلفّوا مجهول .



بتنتحر

عنيّ ف شعرها

يا شعرها غابة

يا ضهرها غابة

ربّابة .. ربّابة

من صوت الديابة نّهابه

بس الحقيقة كدابة

ساعة تلف بوشّها

بتخضني الدّامة



فَتَحْتُ خِيَالَهَا
وَلَقَتْنِي وَاقِفَ
بَارِسَمِ خِيَالَهَا بِكَيْفِي
قَفَلْتُ خِيَالَهَا
عَ الْحَلَمِ نَامَتْ
فَهَرَبْتُ مِنْ بَرَا طَيْفِي

القاهرة 1994 / 2 / 7م

*

البت اللّی بوش مدور
وسمارها مش ای سمار
كان وشها مجلی ، زی مرایة
ورموشها زی بهار
البت دهیه ، مابتسبش خیالی
ما أقدرش أنسی
ساعة ماجبت لی الشای
بصواب خمسة
كانت تتلوی عود خزران
على صدره یمام
بیوشوش فی حمام
وشوشه دية ؟!
ولا خطوة لقدام
دا غرام
وما يفهمهوش
إلا العشاق القدام .

*

وأنا ، لما كنت قاعد وابكلم أبوها
البت السمرا .

البت السمرا ، الواقفة من جوه الباب .

أنا لما كنت قاعد وبكلم أبوها
خَبَطْتُ على ظهر صنية ، بمعلقة فضة
خَبَطْتُ

سبع مرات ، مرة

وتلاثة ف مرة

ومرة من بره .

ما كنشى ده لجلن ياخذ من إيدها الشاى فى

صنية

كان سرى جداً

إيقاع الطبله

الطبله

الشايه دقات قلبها ليه .

بنت حلوة

رسمها شاعر فى القصيدة

رسم عنها .. بحر

وع الجفون ..

رسم له شط

مد إيده ع الرموش

وزرعها نخل

خدمته تمر

حطه ع الحدود حدود

وقف يحارب

كان زى فارس

نام م التعب

فى ضل نخل شط

وجوا قارب

لكنه قام :

على شفتين من خمر تمر

وجسم م الموسيقى خارج .



راجل

كان كل همه

هدومه تبقى تحت

تحت

تحت

وراجل

ما كنش همه

هدومه دائماً لفوق .

اتجمعوا

قادت ما بينهم نيران الحق

بدّلوا الأماكن

اتغيروا لكن

عراهم رماد الجلد .



اكتب على سطر
وسيب سطر احتياطي
كان تحت باطي
مطاطي
لميت بطاطي
إنكمش
برمش عينه ما رمش
فرّت فروخ العسل مني
فنبحت يا واطي !



بيننا توأصل مؤقت
بيننا تجانس خفى
بس الحقيقة
لو تعرفى
أنا مش هنا
أنا المارر عليه فى رحلة سفر
ومن هناك
وصلتني لأبعد مجره
كشفت عنيّ الغياب
فرجعت مرعوب
من الجايّة



دخل القمر
وسط السحاب منى
غنيت له طاب الغياب
وإمتى
يدوب التمنى
قبضت إيديه ع الخلا
- محاصرني !
عضنى
- آآه

صرخت معايا الدنا
من صدى ردنا
خلفنا السراب

*

اكتب على لسانى
بقول لك
أنا كلك
إذا ذهب الريح
هكون صدرك
وف الدوران يكون ضهرك
تحاصرني
أنا ليك
يا حنة من منى .
بس الحقيقة هتعميك
أنت مش كلى .



خبيت عنيه
جوا السحاب م المطر
وركنت قلبي
ورا باب قديم م الغنا
سجني زمني
م الجهات الأربعة
نزل العرق على بدني
قعدته جنبي
بكي
انكسرت عينه
ف ضي البكا

*

إنت ..

ما سرّحتش عنيك النهارده

ولا قصصت الكلام

سايب لحالك

حلالك :

خلخال مطوّق دلالك :

يا ساكن الأنغام

اسأل سؤالك

"هل العشق يلام؟"

– على الدوام

إذا كان حقيقى ! .



إنتبه ..

على فين مودّيني ؟

لا فيه سكة سفر

ولا أتر

لا باب من هنا

ولا هنا دخله

فاتح لي سكة في العتمة

ياسا تر على شرّك

إذا ضرّك

أنا درّك

ولا عتمة هتطفيني .



هجران

قسوة

وحب

ومطَّلقات كثير ، بتتكسر منى

هوا التمنى بيخلق عدم ؟

إيه يعنى لما تعيش ف حالة قديمة

عن جارتك اللى ! إتسربت وسط الدُّخان

دخلتُ نيران قلبك تنام

ما كنتِشنْ هى الوحيدة .



نسوان
ومُفْتَرَضٍ إِنِّي بحبها
من كل أجناس البشر ،
معجبة بيه
فيه حالة تواصل هنا
تبادل منفعة
مصلحة
أو حتى عاطفة مؤقتة
إنتبه
إنت مش آخر ديكور
في الصومعة البشرية



ارعبنی
إذا كنت خائف مني ، يا خفي
والطف بحالي
إذا كنت تحبني
فيه شيء بيخفي جوابيا
من بصتك وبينطفي
أنا مش هبالي
لكني قاعد قبالي ..
وعشقتني



ما تُلْمَشْ حَد يَكَلِّمَك
بلغه البشر
ولا تلعن أبو دهر
وقع وانكسر
مش فيه طيور
وفيه شجر
هيكلموك
إذا مریت بباب حالك
بيودعوك
إذا كنت على سفر .

مَرَّة



مرة نزلتُ ، من ع التاريخ ، تحضن ماضيها
الماضى كان شفيف

ومن ورا

مطر خفيف ،

لحب مجهول النسب

زقزقات ربح

عصفور غضب

رقص هندی ، وغنا

أنغام مبهمة

لحكى وطرب

إنما

المرّة كانت عنيدة

كان فى الدماغ من ورا

طفل بيحرك عنها فى اتجاه القصيدة .

(2)

ومرّة

زى شمعة

مُبْهَمَةٌ جَدًّا ، لا دَمْعَةٌ وَلَا لَمْعَةٌ

وَلَا وَلَّعْتَهَا شِإِیْدِیْنَ رَجَاجِیْلَهَا :

لَا أَب ، طَبْطَبَ عَلَی خَدَّهَا

وَلَا أَخَ وَآخَذَ بِإِیْدِهَا

وَلَا حَبِیْب

شَعَلَ نِیْرَانِ قَلْبِهَا .

مَرَّةً ، وَبِالشَّكْلِ دَهْ

إِزَاى تَوَلَّعَهَا الْقَصِیْدَةُ .

القاهرة 26 / 2 / 1994

أنا
والعتمة
والعشم القديم

قطعت الكهريا
 وبقيت لوحديه
 أنا والعتمة
 والعشم القديم
 حضرنا قمر مكتمل ونجمتين
 أنا والعتمة شبكنا بعضنا
 وسرحنا بلا جسد
 قطعت الكهريا
 فل تباعد
 أنا والعتمة وعرينا ع التراب
 رجعت الكهريا فجأة
 هربت العتمة مننا
 وسيبتنا للخراب .



(2)

قطعت الكهربا
وفضلت القلوب بريئة
ومن بعيد
لمحت قلبها
قنديل حقيقة
قنديل يضوى وشها
وضحكة ع الشفايف كات جريئة
ابتسمت
وطلقت قلبى فى اتّجاه قلبها وهمت
رجعت الكهربا
وقلبى لسه فى الخلا
وقعت .

*

(3)

قطعت الكهريا
على نص مشهد لأنثى متوترة
بترفع ايديها فى اتجاه شعرها
وهوب
قطعت الكهريا
شبكت الايدين بعضها
رجعت الكهريا وانسحبت الايدين
وانا والعتمة
كملنا المشهده لبعض .

القاهرة 16 / 7 / 1995

النار

* شر

* مله

* حد



شر

سميني

سميتك

يا بن الفراغ النى

بنارى كفيتك

صبحت جمرى الحى

أسمر سمار المواجه

إن ضل ف الراجع

استوى ف الضى .

حملنى بردة الصبار

وإنده سكونك البارد

مارد ...

بطلع المعنى من المندار



إسجد

ما أنا الساجد

(ولا ليك عليه يمين)

شرانى من خنصر الصابع

لحد باب العنين

دقيت على كعوبى

طلوا الحوافر



يا شر

شرار العسل

باين عليك هايم

ولا انت مش دايم

اصحى وصحى النوم

اليوم ده يوم الغباين

(كان عند بابها الشمال)

فى الوضع مايل

كان عند بابها اليمين

فى الوضع مقلوب

كان بين بنين الحمايل

دايره فى الداير

المنتظر جاير

ما بعد موت الموت

لاح الفراغ باير



اسجد

ما أنا الساجد

أنا كفى عطار من زمن بارد

وعيني مطفية

ضوافر من الصلصال

وايديه مبرية

ألون الخلق بالنار

وافرد ضلوعى ع النهار

أندار فى ليل الكائنات

أنده عليه

مين مسنى بالميه

إيديه

مطفية .



مد

النارُ

خمار نّتاية ممسّده بالنارُ

النار

مدار رعشة الجسم المزارُ

حرق قايد في القرار

مستدير

عرقى صبّه

في كفى كبّه

ركنت جنبه

النار مزار للنار .

طاير بى طير للسندسه
محنى على ضليل .
عرق الورود ندى لواد
تصب ربح الوداد على زهرها
تنطفى فى المدى عين
ترمى صوابك
للشمدان .



وتنام
على جنب واحد
خليك محايد
عرق التاية محايد
إرفع خمار السندسة
غامر برعشة جسك الفوار
إبس خمار الصومعه ...
وهاتى ،
تهتهه ،
غطيط

حطيت على
حلم بارد
دم نار
وانهيار الجسم كائن مستحيل
يسجد ف رعشة ضلّها
كون غزير
كون غزير ساجد
يتولد طوفان .



حد

أُنْتَهَى

من جِوَا عَيْنِ بَرْدَهَا

تَتَنَفَّضُ

أُنْثَى حَلِيبِ تَشْتَهَى ، وَرْدَهَا

تَرْمَحُ فِي شَعْرِ لَيْلٍ غَرِيبٍ ، يَضُمُّهَا

تَخْتَفِي .

آخِرُ حُدُودِ الْأَرْضِ

حِدَايَةُ طَرَبٍ مَخْبُولٍ .

عَصَافِيرُ حِجَارِهِ .

زَغْلُولُ حَمَامٍ مِنْ أُمِّ مُحْرُومَةٍ .

الرمل / فاتح شفتين عطش
بالمالح متوضي
وبطوبه

الريح / بترقص إيقاع نغمة مجهولة
القمر / شاهد عيان
الشمس / عدنان

ليه افتراض الحزن مليان بالطفولة ؟

*

من قبل الريح

المد

الحر

الشر

تمر طلاسـم قر

تجر بيوت ع الفاضى

لفل طريق عريان .

الريح إنسان

إن مد جناح الطير

عطشان

الحر / جبان

بشيل الرمل النايـم بين الشر وبين شريان



– عطشان

– أيوه

الميه ما بين فخدك

هتعدى تشيل جبليك

وتجيب أصوات

عفاريت م الحمر

الخضر

الصففر

من لون الصحرا الرمل

أنغام ألوان

وأنا وحدي بمر سبع تيام .

*

وف إيدى يوماتى سبع سكاكين
مش شارب دم الطير
ولا دم قابيل
رح أفض ف دم يهوذا من الشريان
(نزلوا الكبشين)
الفاضى مش راضى يعمر غير الغير
الأرض عنين الطير
مش عايزة تعاود تانى
ترقص على نعمة صخرة بتنهار
وتسد ما بين الدم وبين الويل .

القاهرة 23 / 1 / 1991

القاهرة
مش وصف ولا حذف للذاكرة



هى دى العيون
اللى بتولّع الذكورة ...
وبتدور الكون
هى دى الرموش اللى ليها مخالب
هو ده الننى المجتنى
فتنى
ف رشرشات الورد ولضمنى
بدرنى
ودورنى
وراقمر مخمور
وممره بنور

*

أمرنى
هو ده السحر اللى خلخلنى
خلانى من خلا منى
زلزلنى وفتنى
وغصب عنى أدور
أردنى لعصور
فيها الغزل معصور
بين إنسى وبين جنى
هى دى القصيدة اللى لا انكتب قبلها
ولا انكتب بعدها
غير فيها
وبيها
ينكتب اسميها فتسمى

*

بنت ليها شنة
طلع الندى يتغمى
فوق رعدة النهدي اللي حنا
ضمنا وفتنا
وكتب اسمها بنت القصيدة
نازلة ع الورق ...
فتحت المزيكا جسمها تخبيها
ع الورق
لضمت الحروف بعضها
وخرجت من سلة اللغة
تتسلى

فهلّا

صنعت القصيدة على كيف بنت تتملى

وهلا

ولديك الباقي يتجلى

في لحظة الضوء اللى ولى

على سطح الذاكرة وخلا

القاهرة عروسة تتحنى

هلاّ

هى دى القصيدة اللى هله .

حاجة واسمها دنيا



عن العدم ،
عن الخراب
وعنى أنا ، باشب
أفتح فى الكتاب
على بعد كام سنه
من هنا
كان أنا
أرض وكائنات
نور لشمس
وقع النهار منها وداب
وقمر سراب
بعين بتشرب م السحاب
وكان هنا باب
وراه حاجات مبهمه
صوت صراخ .

*

إنما

صمت فجأة

وأفكرت

نيل أبو الذاكرة

أفكرت ورد ، وحدّ ماسك في إيد

مطر بحق وحقيق

في سكك مليانة بشر

بخلق تشبه الواقف بعيد

غنا ، عديد ، عن حاجة واسمها

أنا

- راح فين كل دا ؟

راح في ستين

ولسه فاكر في زمنك

القديم

إنت ما صرّخت

قلت :



"الأرض فم العقربة"

"شايل على جبينك علامات تعجب أسئله"

"وقلت"

طلق الولاد مش زى طلق النار"

بالمناسبة

دى كانت هيكله

لحاجة واسمها دنيا

كان فيها كذب

وخلق بتصاحب بعضها غصب

افتكرت :

إيدين بتبعد بعضها عن بعض

بتحط أطفالها تحت

تحت دعوة انقذنى يامجد

صمت .

صمت

صمت

فين الخراب ؟!

من هنا

فى جمجمة سفت عنها فى التراب

كان حلمها تصبح ..

سرقها صبحها وغاب .

*

على بال ما تاب ورجع لها

كان الزمن مش هنا

فين الخراب ؟ !

من هنا

ومش أنا

إحنا

جماجم المحنة

ملا محنا

تلمحنا

كذبنا يشبه لبعض

وكنا بشر لحد

ما إيدنا طار عقلها

فاتولدنا

بين العدم والخراب .

القاهرة فى 17 / 6 / 1998

قهوة فى الميدان

إلى صلاح جاهين



قَاعِدُ
وَنَفْسِي أَكْتُبُ قَصِيدَهُ
مَا يَكُنُّشْ فِيهَا
عَنِ الشُّوقِ ، وَالْحَنِينِ ، وَالْمَحَبَّةِ
وَلَا فَزَلَكَ بَارِدَهُ مِنَ الرِّيحِ الَّتِي هَابَهُ
رَبَّمَا
فِيهَا عَنِ الْكُونِ الَّتِي اسْتَخَبَّتْ وَرَأَتْ تَنْهِيْدَهُ
شَابَهُ .

أو ربما

فيها حالة جنس ربّاني مآره أُمَامُ عيني
الشريدة .

طَاغِيه عَلَى الْقَصِيدَةِ
وأنا وحدي مُشٌ وحيد

إنما
تُنْطِ لِي مِنْ دِمَاغِي وَتَقْعِدْ عَلَى الْقَهْوَةِ :
شاي يا ولد ، احكى لي عنها



القصيدة

(حكايه ، وحدوته ، ورسمه
لها طعم الموازنة ، ما بين طريقين
الشرّد ، والحرّد

انطباعي

الخافت الخافي في نار جماعي .

أوسطها

نور خضاري

أخضرها نوّاري .

- يعني ؟

(لا تبدأ من السَّارِى
 الجَارِى أَرْحَمَ
 هَيْمَنٍ عَلَى الْوَسْطِ تَسْلَمَ
 وَتَعْرِفَ بِأَنَّكَ صَحِيحٌ وَلَدٌ وَلِدَايَه) .
 طَاغِيهِ عَلَيْهِ الْقَصِيدَه
 وَأَنَا وَحْدَى ، مُشْ وَحِيد
 إِنَّمَا
 تَنْطَلِى مِنْ دِمَاغِي وَتُعَدِّ عَلَى الْقَهْوَه
 شَاى يَا وَلَد



القصيده

تَسْتَخْبِي ورا قَهْوَجِي

تَنْطُ

تُعَدِّع الكراسي

وأنا ناسي

حاطط على كفى الورق

الكلام ، يَتَهَجَّى بَعْضُهُ يَنْدَهَكَ

نَدَّهَ تَانِيهِ مَشْ سَعِيدَه

مداريه م اللي كان

واللي كان

مش زمان .

كان سَاعَتَهَا فِ الْمِيدَانِ

الميدان ، فيه زحام

الزحام

سِمَهُ عَصْرِيَّةً مِنْ رُكَّامٍ مِ الْبَشَرِ

البشر دَوْلَةٌ شَعْبِي

مَعْلُولِينَ مِ الْخَطَرِ

مَخْضُوضِينَ مِ اللَّيِّ فِيهِ



يا لُولَايَه
يا لُولِيَه
بالقصيدة المِدارِيَّة
الزمن
مش ماشى جامد
والأغانى منطَفِيَّة
كُتِفَى مايل ع البيوت
البيوت بِتُزُقُ فِيَّ
يا لولايه ، يا لوليه
الزمن مش ماشى فِيَّ .

القاهرة 1992 / 1 / 26

الموت من عيّل
يخش الغابة



الدنيا دوّارة
والبطن قلابة
العرض فى الطول
واليدّ جلابة
مش كنت تقول .. لابنك مايجيش
مين اللى يقول :
الجية خرابة
لا باين لها عرض من طول
غيرش الزّمن ال بيدور على نفسه
لا سمعته .. ولا عاشوا من لَمْسُهُ
أشرف ما يوصله غدره
وإن قدر وواحد
بيسكنه قبره .

*

- تحاسبني ..

= نتحاسب

- تلاعبنى

= بعدين تغلبني

أنا أقدر أبقى سحابه

وإن جاك الريح

أتشكل ، أتهيكل ، اذارى

وأنا اقدر أدخل حواديتي

حواديت ..

وحياتك مليانة بغيلان وديابة

إفرش لى ع العتمة أنام

تساوى

إمبارح كلّمت حمامة :
- صاحبينى .. صاحبينى
إدينى جنانك
واديكى دراعينى
وأنا أعدى من أجدع غابة
مرصودة .. ولاّ كدابة



- تشاورلى

= أشاورلك من فوق ..

فوق بابا

الواد عفرتنى

لأ ..

الواد عقلنى

الواد صبحانى

لأ ..

الواد خلانى مش عارف زمنه من زمنى

كان زى العادة :

واقف فى العتمة من جوه مرايا

✱

قعدنى ..

وفتح لى دماغى

وكأنه بيعمل لى جراحه

حسيت بالراحة

لما طلع لى مزيكة قديمة ورماها

قيمة

أخلاق ..

ومبادئ ثورية ماسكة فى خناق

سبحان الخلاق

وكأنى قاعد فى السيما

وبشوف بنوراما قديمة

عن واحد زى مدينة جديدة

لسه ما عندوش أخلاق

- تحاسبنى ..

حاسب .. لحسن المشروط حراق



مش عارف
أنا ليه
لسه بتعجبني حواديت العفاريت
مع إني بخاف لما ابقى وحيد
والسيرة لما تتقال عن حد بيعمل كيت :
كان طالع فوق المدنه
يدن في سكات
وأحاول صوتي يبقى مش صوت
تراويل ، أنغام ، مزامير
أو يتحول سائل من ترياق مسموم
فأخش الموت ..



مش عارف
ابنى لى تابوت
أنا شايف ..
أحجز لى جريدة ..
من نخله بعيدة
تقعد ع الشاهد
وأنا خايف ..
من عيل بيخش الغابة ومش شايف .

القاهرة 12 / 12 / 1995

امبارح

يناير 97

يونيو 97



ضيوف

طريزة سفره ، وجمعت الأحياب

المتنبي ، جنب فؤاد حداد

وبدأنا مداولة ماذا يكون

وجاهين بيخبط ع الباب

مرحب عمى

تليفونك مغفور

زرياب قاعد ويلعب ع العود

وبترقص

سامية جمال

طلبت ع الشارع
وندهت :
وطُوءُ الصوت ، عندى ضيوف
خشيت
ملقتش ولا واحد منهم
راحوا فين ؟!
أتارينى كنت بأرص فى مكتبتى
والشارع كان عز النوم



شبه

مش قادر أنسى
ف ميدان الأوبرا
لما أخذنى البياح من إيدى
ودخلنا لمحل قماش
ورانى نفسى
نفس ملامح وشى
طولى وعرضى
أنا واقف
وده قاعد ع الكرسي

مدينة إيدينا وسلمنا
منطقتش ولا كلمة
وخرجت مشيت في الشارع
من يومها بادّور على نفس اللحظة
يمكن تتبدل أرواحنا
نرجع زى ما كنا
واحد كان بيعدى بالصدفة
على واحد قاعد في ميدان الأوبرا ..



كاميرا

"إلى نادية لطفى"

شريط يلف

ف قاعة سينما مليانة بالخلق

إنت

أصغر من عمرك بسنين

بتفتح خرم وبتعدى م الكاميرا

بتمد ايديك على خد النجمه الواقفه بتمثل فى الفلم

فتغير البنت القاعدة جنبك فى السينما

وبتحلف لو رحى .. عمرى ما جياالك

شريط بيلف ف بالك
وانت قاعد قدام الكاميرا
بتسجل برنامج للتلفزيون
وبتظبط إحساس اللحظة فى خيالك
فتخش النجمه م الكاميرا
بتحط إيديها على خدك
وتقولك

بقياالك

*

مزیکا

ف البيت

امبارح وأنا وحدي

جمعت ف طاقتي

وطلعت فوق سلم مزیکا

قلت أتفرج من فوق ع الدنيا :

ألوان م السحر

وطاقات :

م الخوف ، الرعب ، القسوة

خطيت :

وطلعت لآخر سلم

بصيت :

ما عرفتش إيه الفرق ما بين

الموت والنشوه

غمضت عنيه

ونزلت ، فنطيت

لقيوني

بيانو وبيعزف للعتمه



لخبطة

بارجع للبيت

أحط المفتاح فى الباب

مايلفش

أضرب جرس الباب

مايرنش

أفتح إيدى

بصوابعى الخمسة

أخبط ع الباب

ولا بأسمع صوت

إيه اللي حصل لى
أنا دائماً باغلط فى الأرقام
باغلط فى العناوين
ودا عادى
غير إنى فوجئت بصوت الواد بيقول لى :
- بابا

ده عيد ميلادى
ومتنساش الليلة ترجع بدرى
وأنا كنت ساعتها جوه الباب مش بره .

*

الباب

امبارح

وأنا قاعد بكتب

سمعت الباب بيخبط

تك

مين ..

ولا حدش رد

كملت السطر التاني

وسمعت الباب بيخبط

تك .. تك .. تك

مين

مين .. ولا حدش رد

فتحت الباب وخرجت

ولا حد

اتارينى

مجرورع السجن ف تفعيله وهربت

رف

أوضه

من دم ولحم

أوضه

بتاريخ ومشاعر

ع الرف اللي فـ وشك

أنا شايلى عمر استبن

ولدين لقصيدة

وحروف بتهابر

قاعد ع المكتب بكره

فـ تاريخه بيذاكر

بيعللى فـ صوته ،

بيهاى ويشاور

ع الحى

برواز فيه صورة لشخصنى

ويمكن نتقابل .



عم الحيط

إحنا

اللى بنصنع عالم م الخوف

لأ

إحنا اللى بنعمل دنيا من البهجه

إمبارح فى البيت

قفلت الباب

حضرت المشهد ع الحيط

بحر .. ورملة

بنت بمايوه ، وشماسى

نصبة شاي .. شيشه .. وجاى :

على مهله بيهفهم فى قميصه البمبه

البحر غويط
والرملة بنعومة خد البنت .. وبلمس مايوها
تساور له
يقلع في قميصه وينزل للميه
تبل مشاعره
يتقل
فيخاف على روحه لا يغرق
يخرج يد في بشاي
فيشده قميصه البمبة ويهرب

كتاب

امبارح

فجأة .. وكأن البيت يلف
دوامه م العتمه بتخدني أخف
أشف على التواريخ
أنزل ف بلاد الله .
أنده على خلق متسمعشى
وأزق ف ناس تتاخر
إيه اللي بيحصل فى العالم
م الأول للآخر
وكانك بتقلب فى كتاب
عن ماضى يشبه للحاضر
وأنا داير ألف
خليت العالم ينده
طنشته
وقعدت له ف الآخرة .



مش حقیقی

ساعات أبصر ف مهجتي

وأضحك من غير سبب

مع أنى فى كون

وحيد ومكتب

أمشى ...

فأعرف أنه أنشى

أنشى

على صدرها نشان

بَنُوته وبتحبی فی اُولی مَعشَقَه

تَضَحْك - كَرِيك

كِر كِرِه

أَخْضُهَا

تَجْرِي وتَسْتَحْبِي ف رَمَشْهَا

أَضْحَك لَهَا

مَعَ إِنِّي عَارِفُه مَش حَقِيقِي

رَبْمَا

مشهد درامی وانتهی

*

زفة

كلنا كده متجمعين ف حاره دّيقه

زى جوقه

كلنا كده

عوالم وطبلجية

مطربين لشعرا

ممثلين سامين

كلنا كده متجمعين ف زفه

آل بنجوز القصيده للحياه

وكلنا

مش ضامين نعيش للأبد

ولا يبقى فى الذاكرة م الزفة دى أى حاجة

غير آلت البوزيكا

لما هتعزف موزيكا

بلحن منفرد



المكان

من زمان وأنا نفسى أعاود للمكان ده
مرة ثانية

وأقف بنفس القدم ، راية عالية
أصرخ

يتجمعوا الأمم

انظم الملايكة ف الصفوف

يدوبوا رشاقة القمر فى الكفوف

ويحلبوا م النجوم ويزوقوا ف القدر

ومن زمان وأنا كل ما اجرى ع المكان ده

مرة ثانية

بحس إنه

خان وقفته

وانتحرر .

صَدَفَة

تحت الذاكره بشبر

جوه ، دخان

صَدَفَة

وربما كانت محاره للؤلؤة

سابها صياد بحر ينى .. وعاود لقاع الخليج

أو ربما تابوت لميت ملوكى من الأسر

ومحى اسمه من ع الجدار بإيديه

لكنها مش سراميك الفراعنه

أو سراميك الجوهرة

اللى دايسة "يسرا" برجلها عليه



الرسام

"إلى فاروق القبيلي"

السما لمن سما
والأرض سُكنى العبيد
الريح حصان الخلا
والروح سفر المريد :
دا الرسام اللى وقف ، قدام لوحة فاضية
وفتح له باب
ودى شجرة الفاكهة وقابلته
فاكحتها كانت م البنات

فاروق القبيلي : روائي وفنان تشكيلي وصحفي لبناني عاش بين القاهرة وجنيف
وبيروت ، ورحل عن عالمنا في يناير ١٩٩٨ .

بنت بيضا
وبنت سمرا
بمخدين م الحلم والحكايات
عجبتة حدوته منها
خشها
ولما عاد
كانت البنات غيرت معالم سكتة
فمات

الفهرس

٥	* إهداء
٧	* طرطشات
٢٩	* مرّه
٣٣	* أنا والعتمة والعشم القديم
٣٧	* النار
٥١	* القاهرة
٥٧	* حاجة واسمها دنيا
٦٣	* قهوة فى الميدان
٧٣	* الموت من عيل بيخش الغابة
٨١	* امبارح
٨٢	- ضيوف
٨٤	- شبه

٨٦	- كاميرا
٨٨	- مزيكا
٩٠	- لخبطة
٩٢	- الباب
٩٣	- رف
٩٤	- ع المحيط
٩٦	- كتاب
٩٧	- مش حقيقى
٩٩	- زقفة
١٠٠	- المكان
١٠١	- صدفة
١٠٢	- الرسام

من قائمة الإصدارات الأدبية

رواية .. قصة

عزت الحريري	الشاعر والمحرر	إبراهيم عبد المجيد	رواية .. قصة
عصام الزهيري	في انتظار ما لا يوقع	أحمد عمر شاهين	ليلة العشق والدم
د. على فهمي خشيم	إبارو	إدوار الخراط	حمدان طليقا
تحولات الحش اندهى لوكور انولوس نرحمة د على فهمي خشيم	سرداب	إدوار الخراط	تاريخ الوقائع والحور
عفاف السيد	الرجاح المكسور	إدوار الخراط	فرقة الأحلام الملحبة
د غبريال وهه	ينابيع الحر والمسرة	أمانى فهمي	محلوقات الأشواق الطائفة
فتحي سلامة	يوميات عابر سسل	جمال الغيطاني	لا أحد يحبك
فيصل سليم التلاوي	وتر مشدود	جمال الغيطاني	دنا هدى (مر دفاتر التدوس ٢)
قاسم مسعد عليوة	حبرات أنثوية	حسنى لبيب	مطربة العروب
قاسم مسعد عليوة	حب وطلال	خالد غازي	دموع إبريس
كوثر عبد الدايم	ترايريت	خالد عمر بن ققه	أحرار رجل لا يعرف الكاء
ليلي الشربيني	مشوار	خالد عمر بن ققه	الحب والتناز
ليلي الشربيني	الرجل	خيرى عبد الجواد	أيام الفرع في الحرائر
ليلي الشربيني	رجال عرفتهم	خيرى عبد الجواد	يومنة هروب
ليلي الشربيني	الحلم	خيرى عبد الجواد	مسالك الأحبة
ليلي الشربيني	النعيم	خيرى عبد الجواد	العاشق والمعشوق
محمد الشرقاوي	الحرارة 2000	خيرى عبد الجواد	حرب اطالبا
محمد بركة	كوميديا الإنسحام	خيرى عبد الجواد	حرب بلاد مسم
محمد صفوت	أشياء لا تموت	رأفت سليم	حكايات الدب رماح
محمد عبد السلام العمرى	إلحاح	رأفت سليم	الطريق والعاصمة
محمد عبد السلام العمرى	بعد صلاة الجمعة	رجب سعد السيد	في لهيب الشمس
محمد قطب	الخروج إلى السع	كروجنا ترجمة : رزق أحمد	اركبوا دراجاتكم
محمد محي الدين	رشمات من فهورى الساحنة	سعد الدين حسن	أنا كنده
د. محمود دهموش	الحبيب المحبون	سعد القرش	سيرة عربة الحسر
د. محمود دهموش	فندق بدون نجوم	سعيد بكر	شجرة الخلد
ممدوح القديري	الهروب مع الوطن	سيد الوكيل	شهقة
منتصر القفاش	نسبح الأسماء	شوقي عبد الحميد	أيام هد
منى برنس	ثلاث حقائب للسمر	د عبد الرحيم صديق	المصوغ من السمر
نبيل عبد الحميد	حافة الصردوس	عبد النبى فرج	الدميرة
هدى جاد	ديسمر الدافئ	عبد اللطيف زيدان	حسد في ظل
وحيد الطويلة	حلف النهاية بقليل	عبد خال	الصور للزمالك والبصر للأهلى
يوسف فاخوزى	فرد حمام	عبد خال	ليس هناك ما يبهج
		د. عزة عزت	لا أحد
			صعبدى صُح

شعر ..

أول الرؤيا

رويدا ناخدا الأرض

قصائد من العراق

بدلاً من الصمت

من فصول الرمن الرديء

تماماً إلى حوار حنة يوسكو

كانها بهاية الأرض

الألوان ترتعد بشراقة

صلاة المودع

ديبا ناديبا

تلف

إبراهيم زولى

إبراهيم زولى

البياتى، وآخرون

درويش الأسبوطى

درويش الأسبوطى

رشيد الغمرى

رفعت سلام

شريف الشافعي

صبرى السيد

طارق الزباد

ظبية خميس

ظبية خميس

عبد العزيز موافى

عصام خميس

د . علاء عبد الهادى

علوان مهدي الجيلانى

على فريد

عماد عبد المحسن

عمر غراب

فاروق خلف

فاروق خلف

فيصل سليم التلاوى

د . لطيفة صالح

مجدى رياض

محسن عامر

محمد الفارس

محمد الحسينى

محمد محسن

نادر ناشد

نادر ناشد

مسرح ..

هذه الليلة الطويلة

اللغة الأدبية (مسرح سعيد)

ملكة القرد

دراسات ..

هاجس الكنانة

خديات عصر حديد

حصاد الذاكرة

الوقوف على الأمية عند عرب الخاهلية

قراءة المعانى فى بحر التحولات

ضد هدم التاريخ وموت الكنانة

اللغة والشكل

المنقصون العرب والنراث

ثقافة النادية

المثل الشعبي بين ليبيا وفلسطين

أدب الشباب فى ليبيا

العصرية والإرهاب فى الأدب الصهيونى

أباطيل المرعوبية

مصر المرعوبية

السعد العائب - بطرات فى القصة والرواية

رواد الأدب العربى فى السعوديه

الكنانة المشروع

رحلة الكلمات

بحثاً عن فرعون العربى

أعلام من الأدب العالمى

هيمنجواى حياته وأعماله الأدبية

زمن الرواية - صوت اللحظة الصاخبة

فى المرحعية الاجتماعية للمكر والإبداع

الحات والتعبية الثقافية

أدب الطفل العربى بين الواقع والمستقبل

الرواية العربية - رسوم وقراءات

د. أحمد صدقى الدجاني

محمد الفارس

محمود عبد الحافظ

د . أحمد إبراهيم الفقيه

د . أحمد إبراهيم الفقيه

د . أحمد إبراهيم الفقيه

أحمد عزت سليم

أحمد عزت سليم

أحمد عزت سليم

أحمد ريان

جورج طرايشى

حاتم عبد الهادى

خليل إبراهيم حسونة

خليل إبراهيم حسونة

خليل إبراهيم حسونة

سليمان الحكيم

سليمان الحكيم

سمير عبد الفتاح

شعيب عبد الفتاح

شوقى عبد الحميد

د . على فهمى خشيم

د . على فهمى خشيم

على عبد الفتاح

د . غبريال وهبة

مجدى إبراهيم

محمد الطيب

د. مصطفى عبد الغنى

أدب الطفل العربى بين الواقع والمستقبل

نبيل سليمان

بالإضافة إلى : كتب متنوعة : سياسية - قومية - دينية - معارف عامة - تراث - أطفال .
خدمات إعلامية وثقافية (اشتراكات) : ملخصات الكتب - وثائق - النشرة
الدولية - دراسات عربية - معلومات - ملفات صحفية موثقة.

الآراء الواردة فى الإصدارات لا تعبر بالضرورة عن آراء يتبناها المركز

محمد الحسینی قَدَسَ سِرُّهُ

716

ح

و

